



Synfocity = 593

mail us at : mzsynfo@gmail.com; mizoramsynod@gmail.com - Phone - 2314648

7th July, 2016

□ Synod Bookroom Reduction Sale 2016

Synod Bookroom chuan July 4, 2016 atang khan tunkar July 9, 2016 thleng awh tur Reduction Sale chu Mizoram puma Synod Bookroom Branch zawng zawng leh Churachanpur-a Synod Bookroom-ah te a tan leh ta.

Tun tum Reduction Sale-ah hian Synod Bookroom-a lehkhabu zawng zawng, Bible, Kristian Hla Bu, Communion thil, Kohhran mamawh chi hrang hrang, Stationery Item zawng zawng leh School naupang mamawhte 5% - 80% discount-in hralh chhuah a ni a. A tantirh ni atangin mipuiin an hlut hle.

Synod Bookroom Reduction Sale hi a rualin Mizoram pumah zing dar 9 khan tan a ni a. Lawngtlaiah chuan Lawngtlai Bial Chairman, Upa F. Lalsawma'n Pathian hnena hlanin Sale hi a hawng a, Lawngtlai Bazar KTP-in Sale-na tur Pandal sain Sale-ah an duty nghal a. Lungleiah chuan Lunglei Bookroom Chairman Pastor Rev. K. Zonunsanga'n Pathian hnena hlanin Sale hi a hawng bawk a. Champhaiah chuan Champhai Bookroom Account Incharge Upa Lalthlamuana'n Pathian hnena hlanin Sale hi a hawng bawk a. Serchhipah Rev. PR Hmuaka, Vice Chairman, Serchhip Bookroom Commtt leh Vengchung Bialtuin sale hi tawngtainain a hawngin, Kolasib-ah Rev. Laltanpuia Kawlni, Rengtekawn Bialtu Pastor-in Pathian hnena hlanin Sale hi a hawng a, Churachanpur-ah chuan Rev. C. Zoramawia, Manipur Area Administrative Secretary chuan tawngtainain a hawng bawk.

Synod Bookroom Reduction Sale hi mipuiin lehkhabu tha leina hun remchangah hmangin an hlut hle thin a. Sorkar Office leh Kohhran leh Mimal Library neite pawhin a hlawma lehkhabu leina hunah an lo hmang tawh thin a. Hetiang huna lehkhabu an hralh chhuah thin hi a buatsaihtu, Synod Bookroom lama hotute beisei leh rin ai pawhin a tam thin nia thu dawn a ni. Tun tum Reduction Sale-ah hian tihtlawm zual bik an nei a. chungte chu:-

1. Mizo Kristian Hla Thar Bu Rs. 100, 90 leh 80 man kha Rs. 30/-
2. Kristian Hlabu lian Hla hruaitu hman chi Rs. 400 kha Rs. 200/-
3. KTP T-Shirt Rs. 280 man kha Rs. 50/-

4. Hei bakah hian lehkhabu hlui tha tak tak Rs 1 man atanga Rs. 1000 chuang man tlawm taka lei tur a awm.

Tun dinhmunah Synod Bookroom hian Branch 12 zet neiin Distribution Centre 28 a enkawl mek a. Lehkhabu item hi 5500 chuang zet an nei tawh a ni.

□ Synod-in chhawmdawlina pe

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Gosen Veng, Kolasib	Damlo/Harsa	1	Rs. 8,000/-
2.	Chawhmun	Quarry chim delhhlum	1	Rs. 20,000/-
TOTAL				Rs. 28,000/-

□ Zin

♦ July 4 - 7, 2016 chung hian PCI Working Comt. leh ZPP Seminar hmangin Shillong-ah Rev. Lalramliana Pachau, Senior Executive Secretary a kal.

♦ July 8 - 11, 2016 chung hian Cachar Tlangram, Kahrawt Bial KTP Meet hmanpui turin Rev. K. Lalrinmawia, Secretary, SMB a kal ang.

♦ July 9 - 11, 2016 chung hian Social Front programme in Rawpuichhip Branch KTP- ah Zu leh Ruihhlo chungchang tih thupui hmangin Dr. Robert S. Halliday, Coordinator, SMB -in hun a hmang ang.

□ ATC

July 5, 2016 (Thawhlehi) khan Senate of Serampore College (University) chuan M.Th Results a tichhuak a, ATC atanga M.Th Final Year ten tha takin an pass a ni.

First Class A- = 7, Second Class B+ = 10, Second Class B = 3

□ Worship Dept

♦ Synod Music School-in inkawmkhawmna siam:

July 4, 2016 (Thawhtanni) tlai dar 4:00 khan Synod School of Music chuan session thara zirlai nu leh pa te nen inkawmkhawmna, Pi Zaii Hall, Synod Conference Centre-ah an buatsaih a, hall khat tlatin an kalkhawm a ni.

Inkawmkhawmna programme hi Pu Lalromawia, Senior Music Instructor-in kaihruaiin inhmelhrattirna hun a hmang nghal a, Pu H. Lalrinmawia, Music Instructor-in Synod Music School kalphung leh hma thar lak dan turte a sawi a, zawhna leh chhanna hun hman a ni bawk. Tv. H. Lalthazuala, Music Instructor-in lawmthu sawina hun a hmang.

Synod School of Music hnuaiah hian Tonic & Staff Notation, Western Vocal (Singing), Violin leh Keyboard (Puitling, kum 9-13 leh kum 14-18) zirna kalpui mek a ni a, July thla atang hian session thar tan a ni. Session tawpah exam buatsaih thin a ni a, zirlai zingah Trinity Guildhall London hnuaia exam duh tan Grade 1 - 8 thleng exam theih a ni bawk.

♦ July 6 & 7, 2016 chung hian Pangbalkawn-ah Music Training neih a ni a, hemi hunah hian Pu Lalromawia, Senior Instruction leh Tv. Laldusanga, Dam Veng te an kal.

□ KTP

♦ July 1 - 7, 2016 chung hian South Asia Christian (SAC) Youth Network, Youth Leaders' Training, Nepal-ah neih a ni a, hemi hunah hian Pu Vanlalpeka, (Fin. Secretary) leh Ni. Lalfamkimi, Comt. member te an kal.

♦ July 8 - 10, 2016 chung hian Phuldungsei Bial Leadership Training neih a ni dawn a, hemi hunah hian Pu Zonunsanga Ralte (Treasurer) leh T.Upa H. Ramnunsanga, Comt. Member te an kal ang.

□ MSSU

♦ July 8 - 11, 2016 chung hian Bilkhawthlir Bial Sunday School Zirtirtu Training neih a ni dawn a, hemi hunah hian Upa Lalthahluna Ralte, MSSU Asst. Coordinator, Upa Zohmangaiha, Zemabawk Vengthar (MSSU Trainer) leh Upa F. Zakhuma, Selesih (MSSU Trainer) te an kal ang a. Inrinni zan leh Pathiannah te Bial chung Kohhran hrang hrangah hun an hmang bawk ang.

♦ July 9, 2016 (Inrinni) hian Durlang Bial Sunday School Zirtirtu Training neih a ni dawn a, hemi hunah hian Pu John Lalhruaitluanga, MSSU Asst. Coordinator, T/Upa Lalrosanga Kawlni, O/A leh T/Upa F. Lalenghluna, Ramhlun Vengthar (MSSU Trainer) te an kal ang.

□ Education

Kum 2016 April thla thlenga report danin Presbyterian English School-ah zirlai 26004, Teaching Staff 1375 leh Non-Teaching Staff 79 an awm mek a ni.

Contd..

- **Kohhran Hmeichhia**
 - ♦ July 8 - 11, 2016 chung hian East Phaileng Bialah Leadership Training & Kristian Chhungkaw Campaign neih a ni dawn a, hemi hunah hian Pi R. Rengkhumi, Pi C. Nuntluangi leh Pi Lalhmachhuani, Comt. Member te an kal ang.
 - ♦ July 8 - 11, 2016 chung hian Farkawn Bialah Leadership Training & Kristian Chhungkaw Campaign neih a ni dawn a, hemi hunah hian Pi Vanrammawii, Pi Vanlalpari leh Pi Thangthuami, Comt. Member te an kal ang.
- **Hruaina Eng FM Radio & TV Programme**
 - ♦ **JULY 8, 2016 (FM ZOAWI AIZAWL @ 7:30 P.M.):**
Solo : Zorinsanga Sailo - Chhandamtu ngilnei chuan, **Zaipawl** : Leprosy - Kan Run lo mawi la, **Thusawi** : Rev K. Lalpiangthara - Zuk leh Hmuam kan hmelma, **Zaipawl** : Zonuam Pastor Bial Zaipawl - Sual thiltihtheihna ka hlau lawng, **Solo** : Rebecca Zorintluangi - Kraws mak tak chu
 - ♦ **JULY 8, 2016 (FM LUNGLEI @ 7:30 P.M.):**
Solo : Zorinsanga Sailo - Chhandamtu ngilnei chuan, **Zaipawl** : Leprosy - Kan Run lo mawi la, **Thusawi** : Rev K. Lalpiangthara - Zuk leh Hmuam kan hmelma, **Zaipawl** : Zonuam Pastor Bial Zaipawl - Sual thiltihtheihna ka hlau lawng, **Solo** : Rebecca Zorintluangi - Kraws mak tak chu
 - ♦ **JULY 10, 2016 (Tv Programme) @ 3:00 p.m) :**
Sermon : Rev. C. Lianhmingthanga - Kan mamawh Pathian thutaka harhna, **Weekly Round Up, Missionary Interview : Tripura & Karbi Anglong**
- **Susamachar Prasaran Programme**
 - ♦ **JULY 10, 2016 (Pathianni) 5:00 pm.**
Group/Choir/Solo : Durtlang Masihi Sangati - Prabhu, **Group/Choir/Solo** : H.Vanlalringa - He Mere Man, **Sermon** : Zohmingthanga - Yesu Khoye Huo Ka Sahara, **Group/Choir/Solo** : Govt Complex Kohhran - Anugrah Karii, **Group/Choir/Solo** : Chanmari Masihi Sangati - Aaradhana
- **Moderator Programme**
 Synod Moderator Rev. H. Lalrinmawia chuan tunkar tawpah hetiang hian hun a hmang ang :
 - ♦ July 7 - 20, 2016 P.C Wales General Assembly

WOMEN CENTRE HRIATTIRNA

Women Centre, Phunchawng a **Puanthui zirtur** interview hun **July 28, 2016 (Ningani)** ah sawn a ni a, zirtur dilna thehluh hun pawhsei leh a ni bawk. **Puanthui zirturu** tur erawhchu a pangngaia kalpui tur a ni ang.

SYNFO-IN 'PRAISE ON' TV SHOW BUATSAIH DAWN

Synod Information and Publicity Department (Synfo) chuan Kohhran rawngbawlna pawimawh tak pakhat zaia rawngbawlna kawnga hmasawwna atan leh Kohhran programme hrang hranga thinlung taka Pathian faka zai thei an lo pun zel theih nan "Praise On" TV show, Mizoram pum huap a Branch KTP Solo intihsiakna a buatsaih dawn a, Presbyterian Kohhran, KTP member, mahni puala Audio Album leh Music Video Album la siam lo te tel theih a ni ang.

KTP Branch tini an Branch chungna mi zaithiam, Pathian fak duh mi, an Branch aiawh tur an ruat ang a, a zat chu Branch thu thu a ni ang. Branch ruat ni lo chu mimala tel a rem lovang.

Intihsiakna lawmman atan Pakhatna Rs. 80,000.00, Pahniha Rs. 40,000.00, Pathumna Rs. 20,000.00 leh Consolation Prize (Top Ten tling chin) Rs. 5,000.00 a ni ang.

He show-ah hian Round 4 : Audition (First) Round, Second Round, Third Round leh Final Round a awm ang a, Audition Round hi Lunglei, Serchhip, Mamit, Kolasib, Champhai leh Aizawl-ah te neih a ni ang a, Round dang zawng hi chu Aizawlah vek tih tur a ni ang. Audition Round-ah hian Mizo hla, an duh ber sak tur a ni ang a, thunawn nei anih chuan chang 2 leh a thunawn sak tur a ni ang a, thunawn nei lo anih chuan chang 3 thleng sak tur a ni ang. Zai rem nan hian Acoustic Guitar 1 hman theih a ni ang.

District hrang hranga Audition Round neih hun tur leh buaipuitu tur te hetiang hian ruahmanna siam a ni a, siamrem ngai a awm chuan hriattirna siam leh a ni ang :

Thlengt Br.	Hming pek theih hun	Zai hun
Lunglei Chanmari Br.	July 30, 2016	Aug.12, 2016
Serchhip Kawnpui Br.	July 30, 2016	Aug.16, 2016
Champhai Vengthlang Br.	July 30, 2016	Aug.12, 2016
Kolasib Diakkawn Br.	July 30, 2016	Aug.16, 2016
Mamit Br.	July 30, 2016	Aug.16, 2016
Mission Veng Br. Aizawl	July 30, 2016	Aug.19-20, 2016

Branch hrang hrang te anmahni remchanna berah an tel thei ang a, Audition a tel turte hian a buaipui tura ruat KTP Branch te hnenah hming pek luh tur a ni.

September 6-9, 2016 chhngun Second Round neih tura ruahman a ni a, Second Round atang hian Hruaina Eng TV Channel-ah Live-telecast a ni ang. Second Round-ah hian Mizo hla pakhat a tluanin sak tur a ni ang a, Keyboard leh Guitar hman theih a ni ang a, Guitar chauh emaw, Keyboard chauh emaw pawh hman theih a ni ang. Second Round result hi September 10 (Inrinni) zana Hruaina Eng Channel-ah puan tur a ni ang a, mi 50 luh tir tur a ni ang.

October 4, 6, 7, 2016-ah Third Round neih leh a ni ang a, he Round-ah hian mahni duh ber Mizo hla pakhat sak tur a ni a. Music Track hman tur a ni ang. Music Track hi mahni emaw, mahni awmna Branch emaw in tum tur a ni. Third Round Result hi October 8, 2016 (Inrinni) zana Hruaina Eng Channel ah puan a ni ang a, Final Round lut turin mi 10 thlanchhuah a ni ang.

Final Round hi October 25 & 27-ah neih a ni ang a, October 28 (Zirtawpni) zana Result puan a ni ang. Final Round-ah hian hla 2 a intihsiak tur a ni ang a, hla khat Music Track, Hla khat Live Music a tih tur a ni ang. October 25 (Thawhlehi) zana Music Track hmanga intihsiak a ni ang a, October 27 (Ningani) zana Live Music hmanga intihsiak a ni ang. Live Music hmanga intihsiak hunah hian House Band an awm ang. Music Track hmang hian mahni hla duh ber sak tur a ni a, Live Music-ah hian Kristian Hla Bu a mi sak tur a ni ang. Arrangement mahni duh dan takin tih theih a ni ang. Final Round lut te hi team 2-ah thenin, anni enkawl tur hian Mentor team siam tum a ni. October 28 (Zirtawpni) zana Final Result puan a ni ang. He show a tel tur hian Central KTP hriatpuiain Mizoram chung KTP Branch hrang hrangah sawmna thawnchhuah mek a ni.